



Երիտասարդ Պատմագետների Ասոցիացիա ՀԿ-ի **Edu Armenia** նախաձեռնություն

Ուսուցիչների պետական պարտադիր
վերապատրաստման
դասընթաց **2022**

Հետազոտական աշխատանք

Թեմա՝ Ինչպես ինտեգրել նոր առակերտին դասարանում

Ջետազոտող ուսուցիչ՝ Անյուտա Մովսիսյան

Հրազդանի Վիլյամ Սարոյանի անվան
թիվ 11 հիմնական դպրոցի պատմության ուսուցիչ

ԲՈՎԱՆԴԱԿՈՒԹՅՈՒՆ

Ներածություն.....	3
Խնդրի ներկայացում	4
Տեսության ուսումնասիրում.....	6
Տվյալների հավաքագրում.....	9
Լուծումներ.....	15
Յոգեբանի աջակցություն.....	16
Եզրակացություն.....	19.
Գրականության ցանկ.....	20

Ներածություն

Գլոբալացման արդի ժամանակաշրջանում գնալով մեծ բնույթ է կրում մարդկանց միգրացիան: Միգրացիան բնակչության բռնի կամ կամավոր տեղաշարժն է, որի պատճաները լինում են մի քանի տեսակ՝ տնտեսական, քաղաքական, կրոնական, ընտանեկան-կենցաղային և բնական: Անկախ պատճառներից, մարդկանց կողմից բնակավայրի փոփոխությունը ծնում է բազմաթիվ նոր խնդիրներ՝ տնտեսական, սոցիալական, մշակութային, ազգային հոգեբանական և այլն: Այս երևույթը, հատկապես, ծանր են տանում երեխաները: Նրանք կանգնում են լուրջ խնդիրների առաջև՝ փոխելով իրենց շրջապատը, դպրոցը, ընկերներին: Հատկապես խոցելի են դեռահասները: Հոգեբանները դեռահասության տարիքը համարում են ամենաճգնաժամայինը: Այս տարիքում սկսվում է սեռական հասունացման շրջանը: Փոխվում է նրա արտաքին տեսքը, որը կարող է հաճախ դեռահասի համար տհաճ լինել և դառնալ շրջապատից, նոր ընկերներից մեկուսացման պատճառ: Կենսաբանական փոփոխությունները ևս հանգեցնում են հոգեբանական փոփոխությունների: Դեռահասը կարող է դառնալ անկառավարելի, ըմբոստ, չհահողորժող: Նոր կոլեկտիվին նա դժվար է հարմարվում:

Խնդրի ներկայացում

Արցախյան վերջին 44-օրյա պատերազմից հետո Արցախի Հանրության շրջանի Տոդ գյուղը մեր դասարան եկավ Լիլիթը: Նա վեց տարի սովորել էր իրենց գյուղի դպրոցում: Պատերազմի պատճառով նրանց ընտանիքը տեղափոխվել էր Գորիս, այնտեղից էլ՝ Հրազդան: Անցել էր բավական ժամանակ, սակայն Լիլիթը չէր ինտեգրվում դասարանին: Ինքնամեկուսանում էր, գրեթե չէր շփվում համադասարանցիների հետ, դասերին ներկայանում էր անպատրաստ: Նրան դասարանում ներառելու համար բոլորը պատրաստակամ էին՝ դասավանդող ուսուցիչները, դասընկերները, դասղեկը:

Անցել էր մեկ ամիս, բայց Լիլիթը չէր փոխում իր տրամադրություն: Դասարանում ստեղծվել էր բարոյա-հոգեբանական ծանր մթնոլորտ: Աշակերտները չգիտեին ինչպես վարվել: Լիլիթը, չնայած ուսուցչների ջանքերին, դասերին ներկայանում էր անպատրաստ: Ոչ մեկի հետ ընկերություն չէր անում: Երբ դասարանցիներից ինչ-որ մեկը փորձում էր խորհուրդ տալ նրան՝ չէր ընդունում: Սովորողի դժվար ինտեգրումը ազդում էր դասարանի բարոյա-հոգեբանական մթնոլորտի և նրա ուսումնառության վրա: Ես հասկացա, որ այս խնդիրը պետք է ուսումնասիրել խորությամբ և գտնել այն լուծելու տարբերակներ

Հարց՝

- Ինչպե՞ս նոր աշակերտին ինտեգրել դասարանում
- Ի՞նչ անել, որ երեխաները արագ ընդունեն նոր աշակերտին
- Ո՞րն է աշակերտին ինտեգրելու ամենանարդյունավետ միջոցը
- Ի՞նչ անել, որ նա իրեն դասարանում ընդունված ու հարված զգա

Վարկածի առաջ քաշում

- Այցելել նրանց տուն և ավելի մանրամասն տեղեկություններ հավաքել

- Խորհրդակցել դպրոսի հոգեբանի, սոցմանկավարժի, աշակերտների ու դասավանդող ուսուցիչների հետ և կատարել տարաբնույթ աշխատանքներ՝ խնդրի լածումը գտնելու համար

Տվյալների հավաքագրման պլան

Ձրուց ծնողների հետ

- Կարգապահական առումով՝ ինչպե՞ս է իրեն պահել իրենց գյուղի դպրոցում
- Ի՞նչ առաջադիմություն է ունեցել:
- Արտադպրոցական ի՞նչ նախասիրություններն ունի:
- Որտե՞ղ է եղել ռազմական գործողությունների ժամանակ:
- Լիլիթը ունեցե՞լ է կամ ունի առողջական խնդիրներ:
- Ի՞նչ նախասիրություններ ունի դպրոցից դուրս:

Ձրուց դասարանի աշակերտների հետ:

Ձրույց դասավանդող ուսուցիչների հետ:

Ձրույց դպրոցի հոգեբանի հետ, որպեսզի պարզվի

- ինչպիսի՞ վախեր ունի Լիլիթը:
- Ի՞նչը կարող է նրան հասցնել սթրեսի:
- ինչպե՞ս են ընդունել դասարանում նրան:

ԳԼՈՒԽ 1

Տեսության ուսումնասիրում

Արդի շրջանում տնտեսական, քաղաքական, ազգային և այլ պատճառներով պայմանավորված, մարդիկ հաճախ են փոխում իրենց բնակավայրը: Նրանց երեխաները փոխում են դպրոցները և հաճախ հանդիպում են տվյալ դասարանում ինտեգրվելու խնդրին: Արցախյան պատերազմներից հետո մեծ քանակությամբ երեխաներ Արցախից տեղափոխվեցին Հայաստան: Պատերազմի արհավիրքի միջոցով անցած երեխաները տարել էին տարաբնույթ վախեր, որոնք նրանց դարձրել էին ինքնամփոփ ու մեկուսացած: Այս առումով ամենախոցելին դեռահասներն են:

Դեռահասությունը հոգեբանները բնութագրուն են որպես ճգնաժամային տարիք: Նրանց մոտ տեղի են ունենում կենսաբանական և հոգեբանական փոփոխություններ: Դեռահասի մոտ զարգանում է ծայրահեղականությունը: Նա կարող է արագ փոխել իր կարծիքը շրջապատի մարդկանց, կոլիկտիվի, որտեղ գտնվում է ինքը, տարբեր երևույթների նկատմամբ: Այս տարիքում զարգանում է մտերմիկ շփումներ, լավ հարաբերություններ հաստատելու պահանջմունք, որի միջոցով նա կճանաչի աշխարհը: Նա ունի աշխարհում իր տեղն ու դերը հասկանալու խնդիր: Ըստ հոգեբան Բոժովիչի, դեռահասը ապագային նայում է ներկայի աչքերով, իսկ պատանին կյանքին նայում է ապագայի աչքերով: Դեռահասն ունի իքնուրույն գործելու, ինքնահաստատման կարիք: Նրա գործողություններն ինքնաբուխ ու անկանխատեսելի են, իսկ երբ այս խնդիրներին գումարվում է պատերազմը...

Պատերազմը խառնում է դեռահասի ներքնաշխարհը; Քանդվել է նրանց տունը, կորցրել է հարազատներ, ստեղծվել է անկանխատեսելի, անկայուն վիճակ: Կարծես նրա կյանքի իմաստը փոխվում է: Ծատերը կորցնում են իրենց հետաքրքրությունը շրջապատի, ուսման նկատմամբ: Կատարվում է որոշ արժեքների վերաարժևորում: Նա դառնում է խեստ դյուրագրգիռ: Այս պայմաններում խիստ կարևոր դեր ունեն մեծահասակները, ուսուցիչները: Դեռահասի ներկայությամբ չի կարելի արտահայտել տագնապային, հոռետեսական մտքեր: Օրինակ՝ «Դիրքերում կան շատ դավաճաններ», «Այս աշխարհում ազնվությունն ու հայրենասիրությունը վերացել է», «Բոլոր

տարածքները գրավել են թուրքերը » և այլն: Սրանք ավելի են խորացնում նրա հիսթափությունը մարդկանց ու աշխարհի նկատմամբ: Դեռահասը այլևս չի վստահում մարդկանց, հաճախ էլ ինքն է փորձում վրեժխնդիր լինել: Պատերազմը նրա կյանքը բաժանում է երկու մասի՝ մինչ պատերազմը և դրանից հետո: Այս տրավման հաղթահարելու համար շատ կարևոր է սոցիալական այն միջավայրը որում նա հայտնվում է: Պետք է այնպես աշխատենք, որ կարողանանք նրան ինտեգրել նոր շրջապատում: Ինտեգրումը երեխայի ընդգրկումն է տարբեր սոցիալական խմբերում՝ նրա սոցիալականացումը ապահովելու համար; Դասարան եկած նոր աշակերտը պետք է ներառվի տվյալ դասարանում, դառնա նրա լիարժեք անդամը՝ պահպանելով իր անձնական առանձնահատկությունները; Սակայն կան բազմաթիվ գործոններ, որոնք խանգարում են նրանց ինտեգրմանը :

1. Մշակութային -երբ դեռահասը պատկանում է նույն եթնիկ խմբին, սակայն խոսում է բարբառով և այլ շեշտադրմամբ: Պատմա-մշակութային արժեքների նկատմամբ ունի այլ մոտեցում

2. Միջավայրային- երբ նա ապրում էր ուրշ հանրապետությունում, որտեղ գործում էին սովորութային և բարոյահոգեբանական այլ արժեքներ: Մինչև տեղափոխվելը ապրել է հեռավոր մի լեռնային գյուղում, իսկ հիմա հաստատվել է քաղաքում կամ հակառակը;

3. Սոցիալական- փոխվում է շրջապատը, կոլեկտիվը: Փոխվում են ընկերները: Նա նախորդ միջավայրում ուներ ընկերներ, կոլեկտիվ, որտեղ ինքն ընդունված էր, ինքնադրսևորվել էր, գիտեին իր ընդունակություններն ու առանձնահատկությունները: Ուներ ապագայի հետ կապված պլաններ: Այս բոլորը խառնվել է բնակության վայրի փոփոխության պատճառով: Նա պետք է ամեն ինչ սկսի զրոյից և գնա առաջ: Պետք է հարմարվի նոր միջավայրին, դպրոցին: Ձեռք բերի ընկերներ, ցույց տա իր ընդունակություններն ու կարողությունները: Դրսևորի իր առանձնահատկությունները, ձևավորի իր ԵՍ-ը: Սա շատ բարդ հոգեբանական գործընթաց է:

Շատ կարևոր է, որ չափտակավորեն նորեկին և փաստորեն դրանով առանձնացնեն նրան կոլեկտիվից: Օրինակ՝ չի կարելի ասել նորեկ կամ

բնութագրել նրան հին բնակավայրի անունով: Սա կարող է երեխայի մոտ առաջացնել թերարժեքություն ` որ նա տարբեր է մյուսներից և նրանց հավասար չէ:

Հատկապես պատերազմական շրջաններից եկած երեխաների հետ պետք է առավել զգույշ լինել: Հաշվի առնել, որ նա հոգեկան տրավմայի է ենթարկվել: Այրվել է հայրենի տունը: Չոհվել են հարազատ ու անփոխարինելի մարդիք: Կորցրել է մտերիմ ընկերոջը, սրիած էակին: Այս բոլորը կարող են առաջացնել վարքային և հուզական փոփոխություններ: Նա կորող է ունենալ տրամադրության արագ տատանումներ, վախեր, տագնապներ, ակադեմիական դժվարություններ ուսման բնագավառում, որը կապված չէ նրա իտելեկտուալ կարողություններից: Իր կամքից անկախ, որոշ հանգամանքների պատճառով, նա չի հաճախում դպրոց և ունենում է ծրագրային բացթողումներ, որոնք ամբողջությամբ, առանց լրացուցիչ պարապմունքների, չի կարողանում հաղթահարել: Ուսուցիչը կարող է նրան օգնել այդ վիճակից դուրս գալու համար: Նա պետք է ցույց տա, որ ինքն և ամբողջ դասարանը նրա կողքին են, որ կարող են հասկանալ ու օգնել նրան հնարավոր բոլոր միջոցներով:

Կարևոր խնդիր ունեն կատարելու նրա ընտանիքը և ծնողները: Ընտանեկան մթնոլորտը, ծնողների հետ փոխադարձ կապը, նրանց վերաբերմունքը դեռահասի խնդիրների նկատմամբ, կարող են որոշիչ դեր կատարել: Ընտանիքն է ապահովում այնպիսի կարևոր բաներ, ինչպիսիք են կասարանը, սնունդը, սերը, հոգատարությունն ու ջերմությունը: Վ. Սուխոմլինսկու կարծիքով ընտանեկան կյանքում պետք է հաշվի առնել միմյանց մտքերը, համոզմունքները, զգացմունքները, սիրելի մարդկանց ձգտումները: Պահպանելով սեփական արժանապատվությունը` պետք է կարողանալ զիջել միմյանց: Ընտանեկան դաստիարակությունը կարող է իրականացվել ավանդական և ազատական սկզբունքներով: Ավանդականի դեպքում` երեխաներից ակնկալվում է հնազանդվել ծնողներին, ցուցաբերել հարգանք մեծերի նկատմամբ: Նրանք չեն գտնում, որ պետք է բացտրեն իրենց արարքների պատճառները: Խիստ վերահսկում են դեռահասի բոլոր քայլերը: Նման դեպքերում երեխաները փակվում են, ծնողների հետ նրանց հարաբերությունները խախտվում են; երեխաները չեն կիսվում ծնողների հետ` վախենալով, որ կարող թ իրեն չվստանեն: Երեխան սուտ է ասում` վախենալով քննադատությունից:

Ազատական ընտանիքներում՝ երեխաներին վերաբերվում են առավելապես հավասարը հավասարի սկզբունքով: Նրանց թույլատրված է նաև հակադրվել ծնողների կարծիքներին և գործողություններին՝ մաժամանակ պահանջելով պարտականությունների կատարում: Ծնողական հսկողությունը այնքան էլ չի կաշկանդում նրանց: Նրանք հաճախ են ծնողներից լսում բացատրություններ: Լինում են դեպքեր, երբ ծնողները զբաղված լինելով ավելի արագ ու կոնկրետ առաջնահերթություն ունեցող հարցերի լուծմամբ, երկրորդական պլան են մղում տվյալ պահին դեռահասին հուզող խնդիրները, ուսման բնագավառում նրա մոտեցումները; Նման դեպքերում երեխան ավելի է խճճվում; Կորում է նրա հետաքրքրությունը ուսման և շրջապատի նկատմամբ; Նա դառնում է ինքնամփոփ ու մեկուսանում է շրջապատից; Այս վիճակում դեռահասն դժվարանում է ներառվել նոր կոլեկտիվում և դառնում է նրանից կտրված; Նման դեպքում նա մեծ օգնության կարիք է ունենում;

Ինտեգրման գործընթացը պետք է կատարել քայլ առ քայլ հաղթահարելով առաջացած դժվարությունները; Այն հաջողությամբ ավարտելու համար պետք է համախմբել ծնողներին, դասղեկին, համադասարանցիներին, հոգեբանին սոցմանկավարժին, տվյալ դասարանում դասավանդող ուսուցիչներին և բոլոր շահագրգռո անձանց :

ԳԼՈՒԽ 2

Տվյալների հավաքագրում

Հանդիպում ծնողների հետ

Հանդիպեցի Լիլիթի ծնողներին: Անկեղծ ու արդյունավետ զրուցեցինք: Պարզվեց,

որ Լիլիթը ծնողների երրորդ երեխան է: Նրա ու երկրորդ երեխայի մեջ կա ութ տարվա տարբերություն: Մայրն ասում է, որ Լիլիթը չորս տարեկանում ծանր հիվանդանում է: Երբ երեխան հուզվում էր, կամ իր ցանկությունը չէին կատարում, ջղաձգվում և ընկնում էր ցնցումների մեջ ու որպեսզի հիվանդության նոպաները չկրկնվեն, կատարել են նրա բոլոր քմահճույթները; Երեխան մեծացել է կամակոր ու քմահաճ: Նրան ամեն ինչ կարելի էր, որը չէր կարելի մյուս երկու երեխաներին; Նա աջ ու ձախ մտնում էր բոլորի խոսակցության մեր, միջամտում նրանց արտահայտելով իր <<հեղինակավոր>> կարծիքը : Ծնողները սկզբում ուրախանում էին դրանից, կարծելով թե դա կապված է նրա բարձր ընդունակությունների հետ: Երբ Լիլիթը դարձավ 10-11 տարեկան, հասկացան , որ սխալ են վարվել; Ուզում էին աստիճանաբար նրան վերադաստիարակել, սակայն սկսվեց պատերազմը և ամեն ինչ խառնվեց իրար: Մեծ եղբայրը բանակում էր, թուրքերն առաջ էին գալիս և Լիլիթով զբաղվելու ժամանակ չկար: Ծուռով լուր են ստանում, որ եղբայրը զոհվել է; Աշխարհը փուլ է գալիս նրանց գլխին; Մնացած երկու աղջիկների կյանքը փրկելու համար գալիս են Սևան: Սակայն այստեղ էլ ապահով չէր և նրանք տեղափոխվում են Զրազդան; Սկզբում երեխաները սովորում են ուրիշ դպրոցում, սակայն բնակարանային պայմաններից ելնելով, տեղափոխվում են մեր դպրոց; Մեծ քույրը գնում է Երևան և ուսումը շարունակում քոլեջում, իսկ Լիլիթը մնում է մեր դպրոցում; Եղբոր զոհվելուց հետո, իրենք ավելի են անհանգստանում երեխաների համար. նրանց տվել են լիակատար ազատություն, գլխավոր համարելով նրանց գոյությունը, իսկ մնացածը, ըստ նրանց, կարևոր չի... Լիլիթն իրենց գյուղի դպրոցում լավ է սովորել; Զաճախել է պարի խմբակ: Եղել է շատ ճարպիկ ու ինքնավստահ: Ընկերները միշտ հաշվի են նստել նրա հետ:

Մայրը նշում է, որ եթե Լիլիթը իր առջև որևէ խնդիր էր դնում , աշխատում էր նպատակին հասնել բոլոր միջոցներով; Նա կարող էր բարձր ձայնով լացել, գոռալ, սպառնալ, ստեղծել այնպիսի իրավիճակ, որ դիմացինը ստիպված կատարի իր պահանջ; Դպրոցում նա կատարում էր կարգապահական լուրջ խախտումներ՝ աչքի ընկնելու համար;

44-օրյա պատերազմի ժամանակ Լելիթը Արցախի իրենց գյուղում է եղել և իր վրա զգացել է պատերազմի սարսափը;

Վերլուծելով Լիլիթի ծնողներից ստացած տեղեկությունները ինձ համար պարզեցի որոշ հարցերի պատասխան ;

ա/ Լիլիթենց ընտանիքում եղել է տարբերակված մոտեցում երեխաների նկարմամբ; Ընտանիքի երկու ավագ երեխաներին դաստիարակել են ավանդական ընտանիքին բնորոշ կանոններով, իսկ Լիլիթին՝ ազատական, նրան տալով մեծ ազատություն և կատարել են նրա բոլոր քմահաճույքները;

բ/ Լիլիթը եղել է շատ վստահ իր ուժերի նկատմամբ՝ գիտակցելով որ ոչ մի բան չի խանգարի իրեն նպատակը իրականացնելու համար;

գ/ Նա սովոր է, որ կոլեկտիվում ինքը պետք է ուշադրության կենտրոնում լինի;

դ/ Լիլիթի վարքագիծը պայմանավորված է նրա ընտանեկան դաստիարակությամբ

ե/ նրան ինտեգրելու ընթացքում պետք է աստիճանաբար ճիշտ ուղու վրա դնել նրա դաստիարակությունը

Ձրույց նոր աշակերտի հետ

Ինտեգրումը իրականացնելու հաջորդ քայլը զրույցն է Լիլիթի հետ; Ինձ համար նպատակ դրեցի պարզել մի քանի հարցեր

- Ինչպե՞ս է նա իրեն զգում նոր կոլեկտիվում
- Ինչու՞ է դասերին անպատրաստ ներկայանում;
- Կա՞ որ դասարանում որևէ մեկը ում հետ ինքը ցանկանում է ընկերություն անել, բայց ինչ-որ բան խանգարում է:
- Արդյո՞ք բաց թողած թեմաները ուսումնասիրելու համար ուսուցիչներից ստացել է բավարար աջակցություն:

Աշակերտի՝ ուսման գործընթացից ետ մնալու պատճառները ուսումնասիրելու համար , անհրաաժեշտ է հաշվի առնել մի քանի չափանիշներ, դրանց ազդեցությունը ուսումնական գործընթացի վրա;

- երեխայի առողջական վիճակը
- Թեմայի դժվարությունը
- ուսման ընթացքում ուսուցչի և աշակերտի համագործակցության առանձնահատկությունը
- աշակերտի կամային հատկանիշների ձևավորումն ու զարգացումը
- երեխայի մտածելակերպի առանձնահատկությունը

Երեխայի դասերից ետ մնալու, դասերին չմասնակցելու և կոլեկտիվում չներառվելու պատճառ կարող է լինել բուլլինգը; Ի՞նչ է բուլլինգը և ինչպե՞ս կարող է այն դրսևորվել;

Երեխայի նկատմամբ ֆիզիկական կամ հոգեբանական տեռորը խմբի կամ անհատի կողմից, որը զոհին հասցնում է ֆիզիկական և էմոցիոնալ վնաս, անվանվում է բուլլինգ; Հոգեբանները պնդում են, որ աղջիկների կողմից բուլլինգի արտահայտումը անհամեմատ վտանգավոր է;

Ըստ հոգեբան Վալերի Բեսագի «երբ տղաները որևէ մեկին որպես քավության նոխազ են ընտրում, նրա նկատմամբ ցուցադրում են իրենց ֆիզիկական ուժը, առավելությունները; Իսկ աղջիկները իսկական հոգեբանական պատերազմ են սկսում իրենց զոհի նկատմամբ»; Հոգեբանը պնդում է, որ կանացի բուլլինգը ավելի շատ ծանր է, որովհետև դա ավելի անձնավորված է և հոգեբանորեն ուղղորդված; Այն ավելի էմոցիոնալ է և կործանիչ;

Բուլլինգը ունի դրսևորման մի քանի տեսակ

1. ֆիզիկական (հրել, մագերից քաշել ,ծեծել)
2. վերբալ (ձեռք առնել, ծաղրել)
3. սոցիալական (բոյկոտել, մեկուսացնել)
- 4 .հիպեր (համցանցի միջոցով)
5. սեռական (անպարկեշտ արտահայտություն, սեռական բռնություն ,հպում)

Ֆիզիկական բուլլինգը ամենատարածվածն է դպրոցում; Կռվարարը դպրոցում մեկ այլ երեխայի վատ վերաբերմունքի համար հարվածում է նրան; Շատ երեխաներ վախենալով վրեժխնդրությունից իրենց ծնողներին ոչինչ չեն ասում;

Վերբալ բուլլինգի ժամանակ բռնարարը օգտագործում է վիրավորանքներ և սպառնալիքներ զոհին վախեցնելու, նրան հոգեկան ու հուզական վնաս հասցնելու համար; Դպրոցում բուլլինգի այս ձևը հատկապես ուղղված է այն երեխաներին, ովքեր չեն համապատասխանում հասարակության կողմից մշակված կանոններին, ինչպիսիք են ավելորդ քաշը, ֆիզիկական խնդիրներ ունենալը;

Սոցիալական բուլլինգի ժամանակ խումբը մեկուսացնում է նրան; Չոհը չի կարողանում հարաբերվել սոցիալական տեսանկյունից; Նա ձգտում է միայնության, հաճախակի փոխվում է տրամադրությունը;

Հիպեր բուլլինգի ժամանակ բռնարարը էլփոստի կամ սոցիալական կայքերում տեքստային հաղորդագրությունների միջոցով ահաբեկում, շանտաժի է ենթարկում զոհին;

Սեռական բուլլինգը ունենում է անկանխատեսելի հետևանքներ;

Բուլլինգի ենթարկված երեխաները հաճախ իրենց թերագնահատում են; Ժամանակի ընթացքում նրանց հույզերը դառնում են բացասական; Նրանք չեն կարողանում կենտրոնանալ դասի ընթացքում, որի պատճառով ընկնում է նրանց կարողունակությունները, դառնում են մեկուսացած, անտարբեր; Կորցնում են հետաքրքրությունն ուսման նկատմամբ; Հոգեբանների կարծիքով LQFS անձանց զգալի մեծամասնությունը ուսումնական հաստատությունում ենթարկվում է բուլլինգի;

Լիլիթի հետ զրույցից պարզեցի, որ նա դասարանում որևէ մեկի կողմից բուլլինգի չի ենթարկվում, սակայն ինքը չի ուզում դաս պատմել, որովհետև

- Դաս պատմելու ժամանակ՝ երբ ինքը գալիս է գրատախտակի մոտ, ամաչում է երբ տղաները նայում են իրեն
- աշխատում է շատ չչփվել երեխաների հետ, որովհետև խոսում է արցախյան բարբառով և վախենում է, որ կծաղրեն իրեն;

Չրույց համադասարանցիների հետ

Չրավիրեցի դասարանական ժողով, որին ներկա չէր Լիլիթը: Ես խնդրեցի, որ նրանք անկեղծ ներկայացեն`

- Ինչու՞ ընկերություն չեն անում Լիլիթի հետ
- Որևէ՞ մեկը իր օգնությունն առաջարկել է նրան դասերը պատրաստելու հարցում
- Կարո՞ղ են ինձ օգնել Լիլիթին դասարանում ներառելու գործում

Չրույցն ինձ օգնեց : Տղաներից մեկն ասաց ,որ երբ խոսակցության ընթացքուն ինքը նայում է Լիլիթին, նա աշխատում է հայացքը փախցնել: Կարմրում է և հաջորդ օրերին աշխատում է չտեսնել իրեն կամ հետը չխոսել: Ես խորհուրդ տվեցի այս տղային ,որ ժամանակ տա Լիլիթին, որոշ ժամանակ սպասել` գուցե կկարողանա՞նք օգնել նրան այդ հարցում :

Որոշեցինք կազմակերպել Էթսկուրսիա, տոնական միջոցառում, գրքի քննարկում և նմանատիպ միջոցառումներ ,որտեղ կդրսևորվեն նրա կարողունակություններն ու նախասիրությունները:

Գլուխ 3

Լուծումներ

Դասղեկի ժամերից մեկը որոշեցի նվիրել հայկական բարբառներին՝ կարևորելով, որ դրանք հարստացնում են մեր լեզուն և շատ կարևոր է բարբառների պահպանումը; Որոշեցինք փոքրիկ մրցույթ անցկացնել, որի ընթացքում կհաղթի նա ով կկարողանա իրենց բարբառով մի հետաքրքիր պատմություն պատմել, կամ ներկայացնել օրինակ կամ անեծք, որը անում են մեծերը և միայն բարբառով; Հանձնարարվեց տանը նախապատրաստվել ;Աշակերտները հաջորդ դասղեկի ժամին սպասում էին մեծ ոգևորությամբ; Երեխաները այնքան լավ ու անմիջական կատարեցին հանձնարարությունը, որ Լիլիթը ինքն էլ չհասկացավ, թե ինչպես խառնվեց դասարանին և ամենաշատ ինքը խոսեց՝ առանց ամաչելու;

Սովորության, մշակութային, լեզվական խոչնդոտները վերացնելու և միմյանց սովորույթի տարբերությունը որպես առանձնահատկություն չբնութագրելու նպատակով, որոշեցինք տոնական սեղան պատրաստել, որի ժամանակ աշակերտները պետք է ներկայացնեն իրենց շրջանին բնորոշ ուտեստներ; (Հրազդանի միկրոշրջան թաղամասը խորհրդային տարիներին կարևորագույն արդյունաբերական շրջան էր և այստեղ են հավաքվել Հայաստանի տարբեր շրջաններից եկած, ինչպես նաև հայրենադարձված բազմաթիվ ընտանիքներ);

Մեր ճաշկերույթը վերածվեց ուրախ տոնախմբության, որին մասնակցում էին նաև ծնողներ և ուսուցիչներ; Լիլիթը այնպիսի ոգևորությամբ էր իր մայրիկի

հետ ներկայացնում արցախյան համով ուտեստները, ու առաջնությունը տվեցինք նրանց սեղանին;

Սա մի հարթակ էր, որը նպաստեց, որ

- Լիլիթը ներառվի դասարանում
- Լիլիթի մայրը համագործակցի մեր ծնողների հետ, որը շատ կարևոր է
- օգնեցինք նրանց ժամանակավորապես կտրվել իրենց մտատանջող այլ հարցերից

Հաջորդ քայլը, Լիլիթին ինտեգրելու համար եղավ այն, որ կազմակերպեցինք բաց դաս Հայոց պատմությունից; Դասի թեման հայկական մշակույթն էր; Երաժշտությունը ներկայացնելիս պետք է ներկայացնեինք ժողովրդական-ազգային երգեր, իսկ Լիլիթը այդ երաժշտության տակ պետք է պարեր: Պարը նրա հոբին էր և կարողացավ բոլորին հիացնել իր գեղեցիկ կատարմամբ; Դասի վերջում մեր ազագրական պարի խմբի ղեկավարը նրան հրավիրեց իրենց խմբում պարելու; Լիլիթի ուրախությունն անսահման էր:

Իմի բերելով իմ և դասարանի աշակերտների կատարած աշխատանքի արդյունքները, վստահորեն կարելի է ասել, որ ևս միմ քայլ կատարեցինք նրան ինտեգրելու գործում, սակայն դեռ շատ անելիքներ ունեինք; Նրա վարքագիծը փոխելու և պատերազմական վախերից հանելու համար; Դիմեցի դպրոցական հոգեբանի օգնությանը:

Հոգեբանի աջակցություն

Դեռահասությունը յուրօրինակ տարիքային դրսևորման փուլ է, որը հիմնականում կազմավորում է մարդու անձը, նրա հարմարումը սոցիալական կյանքի նորմերին, պահանջներ է առաջադրում: Ձևավորվում են արժեքային

համակարգի նոր շերտեր: Նա նման է լինում մի նավի, որը նավարկում է բաց ծովում , սակայն չունի դեկ: Դեռահասը ցանկանում է հասկանալ՝ ի՞նչ անել, ինչպե՞ս անել, ինչպե՞ս ինքնուրույն գործել՝ առանց մեծահասակների օգնության:

Կարելի է առանձնացնել մի քանի հոգեբանական հնարներ դեռահասին օգնելու, նրան խմբում ինտեգրելու համար:

Նախ-անհրաժեշտ է քաջալերել, անկեղծանալ նրա հետ, նրան պատմել ձեզ հետ կապված կարևոր մի իրադարձության մասին, որը վստահում եք միայն նրան:

Երբ նա սկսում է խոսել իր խնդիրների մասին կարելի է օգտագործել որոշ արտահայտություններ, օրինակ՝ «ես քեզ լավ հասկանում եմ», «Տրամաբանական է», «Ինձ հետ էլ է կատարվել նմանատիպ մի բան» և այլն, որպեսզի ավելի մտերմիկ դառնա զրույցը:

Անհաժեշտ է նրա հետ միշտ լինել անկեղծ: Տույց տալ նրան, որ դուք էլ, երբ հանդիպում եք դժվարությունների դիմում եք ուրիշի օգնության;

Լիլիթը պատերազմում կորցրել էր միակ եղբորը: Նա տեսնում էր իր ծնողների տառապանքը ամեն վարկյան; Դեռ ավելին՝ նրա եղբոր դին գտնել չէին կարողանում և ավելի էր լարվում տան մթնոլորտը:

Յոգեբանի հետ զրույցից պարզվեց մի անսպասելի փաստ; Նա ատելությանը էր լցված այն մարդկանց նկատմամբ, ովքեր այստեղ աշխատում և ապրում էին; Մեղադրում էր մեզ՝ Չայաստանում ապրողներին, որ մենք ենք հրարել այս պատերազմը , որին զոհ է գնացել իր եղբայրը:

Փողոցից եկած բարձի ձայնը նրան պատերազմն էր հիշեցնում և Լիլիթը գույնը գցում է ու դողում;

Չասկանալի էր, որ մի շարք հարցեր լուրջ բացատրության կարիք ունեն: Յոգեբանը խորհուրդ տվեց Լիլիթին նեկայացնել մեր դպրոցի այն սաների պատմությունը, ովքեր ապրելով Արցախից շատ հեռու զոհվել են հանուն մեր ապահովության; Նպատակը մեկն էր՝ ապացուցել աղջկան, որ ոչ ոք մեղավոր չէ; Որ մեր քաջ տղաները , առանց տարբերություն դնելու, առյուծի նման կռվում

են և, որ իրենց դժբախտության մեջ իրենք մենակ չեն, որ դա համազգային ողբերգություն է;

Նրան բացատրեցինք, որ մեղավորներ ման գալով հարց չենք լուծի, այլ պետք է մի բռունցք դառնանք և ազգովի հաղթանակ տանենք;

Յոգեբանը կարողացավ նրան մեջից հանել վախերը և շուտով նկատեցինք, որ Լիլիթի տրամադրությունը փոխվում է և նա գնալով մտերմանում է ըկրերների հետ;

Այս գործում բավական դրական դեր կատարեցին մեր էքսկուրսիաները: Բացատրական աշխատանք էի կատարել դասարանի աշակերտների հետ; Երեխաներին ներկք ունեին;

այացրել էի նրանց ընտանեկան վիճակը, նրա հույզերը, անհանգստությունները; Որոշեցինք ամեն ինչ անել օգնելու համար; Էքսկուրսիաների ժամանակ նրան պահում էին ուշադրության կենտրոնում, աշխատելով չցուցադրել այդ; Միասին պատրաստվեցին մի հյրենաճանաչողական բնույթի արշավի, մանրամասը բացատրելով, թե ինչը ինչպես էր պետք անել;

Յոգեբանի խորհրդով Լիլիթին հրավիրում էինք մեր աշակերտների ծնունդներին, որպեսզի ավելի շատ մարդկանց հետ շփվի և ավելի մտերմանա ընկերների հետ;

Ձեռնարկված քայլերի արդյունքում Լիլիթը սկսեց աստիճանաբար մասնակցել դասերին; Սկզբում տեղից էր խոսում, բայց երբ հասկացավ, որ ոչ ոք չի ծաղրում իրեն, այլ ընդհակառակ` օգնում են, համարձակություն ձեռք բերեց և գալիս էր գրատախտակի մոտ: Մի խումբ լավ սովորող աշակերտներ սկսեցին թեմատիկ աշխատանքներից առաջ մնալ դասերից հետո դպրոցում և Լիլիթին նախապատրաստել գրավոր աշխատանքներին:

Լիլիթն աստիճանաբար ներառվում էր դասարանում, որը շատ կարևոր էր :

Լիլիթի ներառմամբ փոխվեց ամեն ինչ` դասարանի բարոյահոգեվանական վիճակը բարելավվեց, բարձրացավ թե Լիլիթի և թե դասարանի առաջադիմությունը,

որովհետև Լիլիթին օգնելով հաղթահարել դժվարությունները, դասընկերներն ավելի էին ամրապնդում իրենց գիտելիքները:

Եզրակացություն

Մեր խնդիրը նոր աշակերտին դասարանում ինտեգրելն էր:Այն լուծելու համար առաջ քաշեցինք տարբեր լուծումներ՝

- Պատերազմի պատճառով ստացած հոգեբանական սթրեսից հանելու համար կազմակերպեցինք միջոցառումներնպատակ ունենալով ցույց տալ,հասկացնել նրան,որ պատերազմը միայն իրենց ընտանիքի ողբերգությունը չէ՝այլ ամբողջ հայ ժողովրդինն է:
- Համադասարանցիների հետ զրույցից հասկացա,որ Լիլիթը իրեն դրսևորում է դեռահասին բնորոշ առանձնահատկություններով:
- Ամբողջ դասարանը պատրաստ է աջակցել նրան՝ցանկացած հարցում
- Դպրոցի բոլոր մանկավարժները հոժարակամ օգնելու են նրան՝դասերի ընթացքում և դասերից դուրս:
- Մեր կողմից կատարված տարաբնույթ միջոցառումներն օգնեցին նրան ինքնադրսևորվել,հաղթահարել առաջացած դժվարությունները:Ցույց տալ իր նախասիրություններն ու կարողությունները:

- Դեռահասին օգնելու հանար պետք է կատարել թիմային աշխատանք, որտեղ կընդգկվեն դասղեկը, համադասարանցիները, ուսուցիչները, ընտանիքի անդամները, ծնողները, հոգեբանը, սոցմանկավարժը և շահագրգիռ այլ անձիք:
- Համատեղ աշխատանքը տվեց իր ցանկալի դրական արդյունքը, բայց դեռ կան անելիքներ

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

- 1 Ս.Մանուկյան-«Մանկավարժագիտություն», Երևան 2002թ.
- 2 Վ.Ա.Կրուտեցկի -«Մանկավարժական հոգեբանության հիմունքներ» Երևան 1979թ
- 3 Վ.Ա.Սուպոմլինսկի «Կոլեկտիվ դաստիարակելու մեթոդիկա» Երևան 1986թ.
- 4 Выготский Л.С. Педология подростка//Собр. соч.:В 6 т. М.,1984.Т
- 5.. <https://hy.wikipedia.org/wiki>

6. <https://m.facebook.com/abapsy/photos/905842406123435>

7. <https://www.shoghakat.am/am/>

